


1598



Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4369/A







Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4369/A





Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4369/A



Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4389/A

4369/A

A  
P

A

Clear to 77



A. XL. 16/m

Coll. B.

# PARADOXA

RERVM COELI, 47465

AD EPIPONVM

Philuranum, &

focios.

ANTONIO MIZALDO

Monluciensi, Medico & Mathe-  
matico, Autore.




PARISIIS,

Ex Officina FED. MORELLI,  
Architypographi Regij, via  
Iacobæa ad insigne Fontis.

M. D. IIC.

*Non sine Privilegio Regis.*









ANTONIUS MIZALDVS.  
EPIPONO PHILV-  
RANO S. D.



*E* docui variis, dilecte PHI-  
LVRANE, libris,  
Necnon colloquiis, sociorum  
turba tuorum  
Dum præsens aderat, tecum-  
que attenta sedebat,  
Quid cælum, interitus rerū, vitæq; volumen,  
Ah paucis notum, & per paucis sedulò lectum!  
In mundi varios usus, vertigine mira  
Adferat & referat, diuina lege iubente.  
Vnde homines, pecudes, stirpes, aër, mare, terra,  
Accipiunt motus: & rerum, ut temporis, una  
Non sibi respondet facies, nec perstat ubique.  
Admonui rursus, quo rege, & quo comitatu,  
Quàm celebri pompa, & quàm mirādo ordine  
pergat

A ij



EPISTOLA AD

Agmen sydereum, tot iam labentibus annis.  
 Nil ibi turba nocet, hic est concordia concors:  
 Nullum dissidium, nulla hic sunt praelia, rixæ  
 Nullæ: quin iustis hic legibus omnia fiunt.  
 Quod videant homines, precor, & se nocte,  
 diéque

In tam sublimi, tam vero, tamque nitenti,  
 Et cuique exposito speculo speculètur: Adest dū  
 O mortalis homo, qui cæli lumen in imo  
 Telluris cæno miserè restinguis: amabo,  
 Exurge, atque volens oculos ad sydera tolle:  
 Astra tuos mores formabūt, te astra docebunt.  
 Illa Deo parent hodie, parent velut olim,  
 Tu cōtrà: quod eis præceptū est, semper, & ultro  
 Explerunt, tu contrà: iucundè, atque decenter  
 Illa suos motus & lumina, denique quiduis  
 Dant tibi, dant gratis, quum tempus postulat  
 & res:

Tu cōtrà, gressus nullos, vestigia nulla,  
 Lumina nulla moues, ut id unum agnoscere  
 possis.

Dūmque tuis rebus vigilant noctūque, diūque  
 Absque



*Absque errore vlllo, seruatoque ordine semper,  
 Tu infanda Veneri vigilas, vigilasque Lyæo,  
 Ne peius dicam: nullo dignatus honore,  
 Nulloque aspectu cælum: sine quo tibi vita  
 Esse potest vlla, ac vitalis spiritus vllus?*

*O curuas in terram animas! ô pectora cæca!  
 Siccine transigitur tēpus? sic viuitur? heu, heu:  
 Sed quorsum hîc stupidos Epicuri de grege  
 porcos*

*Cōuenio, quibus est vëter cælúmque, Deúsque?  
 Ergo te affabor, dilecte PHILVRANE, cui  
 sunt*

*Et cordi, & vigili summè cælestia curæ.*

*Eiâ, mactæ animi, cælos cognoscere perge:*

*Luminibúsque tuis stellantia lumina iunge:*

*Quod cernes, Deus est, mūdi venerabile numē.*

*An dubiū est habitare Deū per sydera cuncta,*

*Ac torquere axem, stellis ardentibus aptum?*

*Ah, utinā mundi talpæ hæc miracula nossent,*

*Aut tecū vellent gustare, PHILVRANE,  
 certè*

*Hæc terrena instar nebulae cōstanter haberent:*

*A ij*



Et quę post annos aliquot mors omnibus aufert,  
Despicerent: sed rari & pauci spernere possunt  
Tellurem, atque alis animi se attollere cælo.

Cur? quia difficile est: fateor sed premia magna  
Efficiunt facilē atque leuem quęcumque laborē.

At satis hæc, perchare PHILVRANE,  
vive, valeque;

Atque tibi affines cælos, & fœdere prisco  
Coniunctos adama: quorum in te lucet imago,  
Vt tibi perspicuē libro conclusimus vno.

Ast ne materies studiis accommoda desit  
Hisce tuis, en mitto nouum, ne sperne, libellum  
De rebus cæli variis, variè & dōxor:

Quē dum percurres, summi reminiscere, quæso,  
Artificis mundi, cui cælum & sydera parent.

LVTETIÆ, XVII. Calend. Augusti,  
1576. Canicula ibidem cōsmicē  
exoriente.





PARADOXA RERV M  
cœli non spernenda, ad Epiponũ  
Philuranum & socios. Autore  
ANTONIO MIZALDO Mõ-  
luciẽsi, medico & mathematico.

*Quòd Planete & Stellæ cœli omnes, excepta  
Luna, suopte & peculiari lumine luceāt: nec  
illud à Sole vel aliunde mutuatum, emendi-  
catũ verecipiant, & agnoscant.*

PARADOXVM I.

**N**E SIM, quàm par sit,  
præfando lōgior, de re  
instituta dicere inci-  
pio. Non desunt, Epi-  
pone Philurane, qui  
astruant stellas suopte lumine haud  
quaquã lucere, sed illud à Sole mu-  
tuatum & acceptum longè, latèque  
A iiij



*Paradoxa rerum cœli,*

De Lăpy-  
ridibus,  
seu cicin-  
delis &  
noctilucis  
pulchra.

spargere. Cùm tamē Lampyridibus  
& noctilucis vermibus, seu muscis,  
proprium lumen inesse, etiam in te-  
nebris, & citra vllum Solem vltro ac  
libenter agnoscant: nec temerè, mea  
sentētia, cùm Plinius animalcula illa  
perappositè terrestres stellas & ver-  
gilias, eorūque volatus, stellantes  
nūcupare nihil vereatur. Vnde poë-  
ta alter Mantuanus,

*Splendidulis iam nocte volant Lam-  
pyrides alis.*

Sed ipsius Plinij verba, ne somnium  
putes esse, tibi proferam: Signum cō-  
mune, inquit, maturitatis hordei, &  
sationis panici, miliique sunt lucen-  
tes per arua vespere, cicindelæ (ita  
appellant rustici stellantes volatus,  
Græci verò Lampyridas) incredibili  
naturæ benignitate: quæ vergilias in  
cœlo notabiles cateruâ fecerat. Nec  
tamen his contenta, terrestres fecit  
alias



alias, veluti sic vociferans: Cur cœ-  
lum intuearis agricola? cur sidera  
quæras rustice? Iam te breuiore so-  
mno fessum premūt noctes. Ecce, ti-  
bi inter herbas tuas spargo peculia-  
res stellas, eâsque vespere ab opere  
disiungēti ostendo, ac ne possis præ-  
terire, miraculo sollicito: Vidēsne ut  
fulgor ille igni similis, alarum com-  
pressu tegitur, secūmque lucem ha-  
bet, & nocte? haftenus Plinius. Cū  
itaque & secum, & ex se, nec aliunde  
lucem habeant Lampyridum cor-  
pora, quid de cœlestibus illis & di-  
uinis, simplicibúsq; corporibus ele-  
mentari mutationi nequaquam ob-  
noxiiis, planetis (inquam) & stellis,  
sentire par erit? Quibus si propriam  
& congenitā lucem adimis, & aliun-  
de lucere astruis, sanè præstantiora,  
& excellentiora, maioréque priuile-  
gio dotata esse inferiora quàm supe-

*Naturam  
inter her-  
bas agri-  
colis stel-  
las spar-  
sisse.*



*Paradoxa rerum cœli,*

*Lampyri-  
des Vergi-  
liarū stel-  
larū par-  
tum esse.*

riora fatearis necesse est: Ridicula  
me hercule, ac puerili assertionem, ac  
philosopho homine indigna. Ve-  
rum enim uerò, hac vinctus compe-  
de, effugium & solutionem medi-  
tans, mihi fortè obiicies fulgorem  
illum in Lampyridibus perpetuum  
non esse, quin potius fugacē ac tem-  
porarium, & ob id nequaquam ante  
matura pabula conspici, vel post de-  
fecta: Quo tēpore dictæ Lampyri-  
des proueniunt, & certis diebus du-  
rant, fœdere sideris Vergiliarū, qua-  
rum partum esse, ut loquitur Plinius,  
certum est. Euge, si tibi gratis id con-  
cedam, ecquid, obsecro, de precio-  
sissimis aliquot gēmis senties? Qui-  
bus & scintillans & radians fulgor  
natiuus ac perpetuus esse deprehen-  
ditur? Vis me verba in rem & exem-  
plum cōferre? Vnum carbunculum  
ex multis produco: de cuius incom-  
parabili



parabili luce & stellante fulgore, audi, quæso, quid scribat ille idem Plinius in Natura historia, supra omne miraculū summè admirandus: Principatum, inquit, inter gemmas habet carbūculus, à similitudine igniū appellatus: cuius species multæ traduntur. Carchedonios umbrante tecto purpureos videri, sub cœlo flammeos, & cōtra radios Solis scintillare, ac in oculos vibrare dicit Archelaus. Adhæc, in Carchedoniis maribus stellas intus ardere, fœminas fulgorē vniuersum fundere extra se. Subdit paulò pōst: Est & carbunculi gemma fossilis Anthracitis nominata, carbonibus similis, cui igneus est color. Huic cognata est Sandastros dicta, & commendatio summa: quòd velut in translucido stellantes intus fulgent aureæ guttæ, semper in corpore, nūquam in cute.

*De carbū-  
culis mi-  
ra & no-  
tatu di-  
gnissima.*



*Paradoxa rerum cæli,*

Accedit religio narrata à siderum  
cognitione ab inspectoribus: quo-  
niam ferè stellarum Hyadum & nu-  
mero & dispositione stellantur: ob  
id Chaldæis in ceremoniis habitæ:  
Inter omnes constat quantum nu-  
mero stellarum accedat, tantum &  
precio accedere. Hæc ad verbum  
Plinius. Cui si parum habes fidei,  
ausculta quid de eadem Carbunculi  
gemma scribat antiquiss. idémque  
sanctiss. & doctiss. pater Epiphanius  
Cypri Episcopus: Carbunculus, in-  
quit, gemma est in Carthagine Ly-  
biæ, quæ Aphrica dicitur, nascens.  
Sunt qui eam reperiri affirmât, quòd  
noctu lampadis & carbonis instar,  
vnde nomen habet, scintillans emi-  
nus appareat. Gestata quibuscunque  
vestibus tegatur, latere non potest:  
splendor enim eius extra vestes se  
prodit. Hæc ille ad Diodorum Tyri  
anti-

Epipha-  
nius Cy-  
pri Epi-  
scopus de  
Carbun-  
culo.



antistitē, de x i i. gemmis quæ erant  
in veste Aaronis. Quid, amabo te,  
ex his colligas aliud, quàm Carbun-  
culis mirum inesse fulgorē & splen-  
dorem, minimè mutuatum, fœne-  
ratum aut aliunde acceptum, quin  
potiùs proprium, innatum & con-  
genitum? Quod si est, vt re vera esse  
constat, qua licebit fronte suum &  
proprium fulgorem stellis, corpori-  
bus omnibus inferioris naturæ lon-  
gè præstantioribus, illustrioribus &  
diuinioribus negare, & mutuatum,  
mendicatúmque prædicare? Sed alia  
via, hæc tam crassa istorum stupidi-  
tas hunc in modum dilui & conuin-  
ci potest. Si, vt astruunt, à Sole lu-  
cent stellæ, solari agunt lumine in  
hæc inferiora, nam earum actio à  
motu & lumine pendet. Hoc si est,  
vnus Sol omnia tam sursum quàm  
deorsum facere solus poterit, & in



*Paradoxa rerum cæli,*

sublunares materias solus agere. Ex quo fiet ut ociosa habeatur, & frustra ab omnipotenti Deo creata præstantissima illa tot stellarum familia. Quod vnum cogitare velle, nedum astruere, non est Christiani hominis, quin potius à *Æs* cuiuspiam Cyclopi & Epicuri: sicuti à nobis monstratum est initio nostræ Harmoniæ cæli & terræ. Concludimus itaque cæli stellas & planetas, excepta Luna, à semetipsis lucere, & non à Sole, vel adminiculo aliquo aliunde conquisito, implorato, &, ut ita loquar, emedicato. Quod diuinis cæli corporibus indignum esset.

*cæli stellas, excepta Luna, à semetipsis lucere.*

*Quod planeta & stella motu eo propriè, & per se moueantur, qui solus corporibus cælestibus suus est & peculiaris, nullóque externo adminiculo indigens. Adhæc, quod clauorum modo in rotis, planetarum corpora in suis orbitibus non defigantur, nec deducantur. Insu-  
per*



Antonio Mizaldo autore. 8

per, quid per Stellarum corpora accipi intelligi  
debeat.

PARADOXVM II.

**H**ic mihi monendus es, Epipo-  
ne Philurane, in cuius gratiam  
Paradoxa ista scribimus, quòd ta-  
metſi Planetæ & stellæ affiduè mo-  
ueantur, id non habent, nec perfi-  
ciunt vt inferiora corpora & ele-  
menta ex quibus conſtamus. Nam <sup>Quo motu</sup>  
illo motu per ſe & propriè mouen- <sup>agantur</sup>  
tur, qui cœleſtibus corporibus ſolis <sup>planeta &</sup>  
ſuus eſt, & rebus immortalibus (phy- <sup>ſtella pro-</sup>  
ſicè loquor) peculiaris. Motu itaque <sup>priè ac per</sup>  
peculiari & cuique ſuo planetæ in <sup>ſe.</sup>  
propriis orbibus progrediūtur: nūc  
accedendo, aliàs recedendo, quan-  
doque tardando, nonnunquam ac-  
celerando, modò aſcendendo, in-  
terdum deſcendendo, & aliter: pro  
cuiusque facultate à Deo, rerum  
omnium mundi morore primario,



*Paradoxa rerum cæli,*

cōcessa in vsum & ἡέσιν ἡ παλὶς ἡέσιν  
vniuersorum quæ inferior natura  
parturit, fouet & alit. Non ergo vio-  
lenter, sed naturaliter: non coactè,  
sed liberè, mouentur stellæ & plane-  
tæ: ita vt eos progressus, numeros, ac  
ordines sua sequantur sponte, quos  
immortalis, sapientissimus & inuisi-  
bilis ille συμφωνίαρχα & choragus  
modulatur, ac eis præscribit. Hinc  
nimirum fit, vt ab officio nusquā re-  
cedant, nec tot iam labentibus an-  
norū chiliadibus, eundo ac redeun-  
do defatigentur: aut vlla externa vi,  
vllòve adminiculo, aut forinsecus  
accerfita ope aliqua indigeant. Quæ  
res, & si miraculum non paruum ha-  
bet, ac summè suspiciendum, tem-  
perabitur nihilominus vbi sedulò  
animaduertes nullum animalium  
fese natura mouētium, alieno & ex-  
terno instrumento egere vt mouea-  
tur

Cæ

Stellas  
nulla vi  
externa  
vt mouean-  
tur indi-  
gere.



tur, sed tātummodo proprio, sibiq;  
à natura infito & congenito. Vnde;  
suus cuilibet animali motus, prò  
forma & modulo corporis proprius  
ac naturalis habetur. Sic testudines  
quadrupedando mouentur, serpen-  
tes rependo, pisces natādo & lubri-  
cando, aues volando, cancri regra-  
datim incedendo, homines ac iu-  
menta pedes alternatim mouendo,  
& ita de reliquis. Hinc videmus nūc  
sursum, nunc deorsum, quandoque  
ad dextram, nonnunquam ad fini-  
stram aues volatū exercere, & pisces  
natatum: non rarò etiam fidere, nam  
sic vi propria instituuntur à natura.  
Ambulant ea de causa aues quædā,  
vt ciconiæ: saliant aliquæ, vt passe-  
res & merulæ: currunt aliæ, vt per-  
dices & rusticulæ: ante se pedes ia-  
ciunt nonnullæ, vt grues & ciconiæ:  
aliquot in sublime sese attollunt, &

B



*Paradoxa rerum cœli,*

recto volatu, etiam ex aqua sursum  
tendunt, vt anates: & sic de aliarum  
volucrum & animantium motibus.

Quorum vias & modos vsque adeo  
diuersos si admittis & agnoscis in  
corruptilibus, terrenis & materiali-

*Motum  
corporum  
cœlestium  
longè esse  
diuiniore  
quàm ter-  
restrium.*

bus inferioris naturæ corporibus,  
num, obsecro, aliquid maius, præ-  
stantius, ac diuinius, dabis, concedes  
& admittes in æthereis, cœlestibus,  
ac diuinis superioris naturæ corpori-

bus, licet via & modo longè diuersis?  
Nū præterea hinc facilè cōcedes stel-  
las & maximè planetas, in suis orbi-  
bus, quo solent modo clauis in rotis,  
nullo pacto defigi, nec ab orbibus  
illis ita moueri & deduci, vt multis  
visum fuit? Si enim hoc esset, eandē  
semper latitudinem ibi retinerent,  
vt de longitudine nihil dicā. Adde,  
quòd si orbibus illis defigi & inferi  
voluisset cœli & terræ sapiētis. con-

ditor



ditor, credibile est fanè, quòd eos  
 omni ex parte orbiculatos, vt sunt,  
 nunquam creasset: sed vel acuiisset,  
 vel in propriis orbibus appendisset,  
 vt sunt lampades in cælatis templo-  
 rum testudinibus, & in aularum la-  
 quearibus candelabra: aut compla-  
 nasset, perpolitisque orbium ipso-  
 rum certis partibus agglutinasset.  
 Quod secus esse cōstat. Non itaque *planetas*  
 mouebuntur Planetæ motu pecu- *nō moue-*  
 liari & proprio, ad suorum orbium *ri propriè*  
 motum, vt solent currules clauī, in *ad suorū*  
 rotarum canthis, aut cum naui ea *orbū mo-*  
 quæ eius tabulatis & lignis sunt con- *tum.*  
 fixa, vel alligata: quin potiùs, vt  
 solēt nautæ, qui cum naui & in naui  
 iter ex semetipsis particulatim con-  
 ficiunt, & vi propria, ac naturali mo-  
 tu (quod crasso quodam exemplo  
 monstratum sit) liberè obambulant  
 & incedunt: modò à dextra parte in



*Paradoxa rerum cæli,*

sinistram, & à sinistra in dextram, rectè vel obliquè, sursum aut deorsum, ut res exigit: quandoque stant, nonnunquam antecedunt, & aliàs retrocedunt: ut rerum necessitas eos inuitat & admonet. Verum enim-uerò, hîc Philurane tyro, cùm de stellis toties verba fieri audis, scire fortassis cupies, quid in hac disputatione & doctrina dici debeant stellarum corpora, quidue pro illis intelligendum sit. Hunc in modum tibi satisfacere pergimus. Scholis physicorum penè omnium recepta est sententia, quòd Planetarum, ut etiam stellarum reliquarum, corpora ex concretiore suorum orbium parte constât: In qua, quoniam plurimùm luminis est coactum, ita plus cæteris pars illa splendere & lucere obseruatur. Sed hæc ratio tenuior esse videtur ac simplicior, quàm ut veram

*Quidnā  
sint, quid  
ue dici  
debeant  
stellarum  
corpora.*



veram stellarum essentiã perspicuè  
demonstrare possit: plenior itaque  
hunc in modum tradi potest. Stellæ  
sunt pars ætheris coacta, globosa,  
purissima, simplicissima, lucida (ex-  
cepta Luna) & diuinarũ facultatum  
plena. Quæ quidem stellæ in certis  
cœli locis & peculiaribus orbibus,  
peculiares suos motus liberè, vt di-  
ximus, peragunt. Cæterùm, corpus  
illis ascribi dum audis, vel legis, illud  
ipsum accipere non debes, perinde  
atque de elementaribus corporibus  
pronunciari solet: Quanquam cœ-  
lestia corpora dimensionem recipere  
quæ suis circumscribitur terminis,  
non inficiamur, sed mutari vt cor-  
pora inferiora, & in alias naturas ac  
qualitates transire, quod elementa-  
rium corporum est proprium, planè  
reiicimus. Nam cœlum diuinitatis *cœlũ di-*  
est particeps, & proinde corporeæ *uinitatis*  
*particeps.*



*Paradoxa rerum cœli,*

*Et corru-  
ptionis  
expers.*

commotionis & elementaris alter-  
nationis, corruptionisque prorsus  
expers. Cuius stellæ tametsi assidue  
mouentur, id certè non habent nec  
perficiunt vt inferiora corpora: nam  
illo motu propriè aguntur, de quo  
paulò antè abunde scripsimus.

*Quòd orbium Planetarũ circuli, lineæ item, &  
alia pleraque commentitia habeantur. Adhæc  
quòd stellarum cœli corpora perappositè sphæ-  
rica & globosa censeantur. PARAD. III.*

*Quæstio  
pulchra  
& inge-  
niosa.*

**V**ELIM, Epipone Philurane, mi-  
hi dicant, qui arbitrantur Pla-  
netas, vt proximo capite diximus, in  
suis orbibus defigi & ab his vehi, vel  
potiùs trahi, à quibusnam vectores  
illi orbes, eorùmque circuli moueã-  
tur. Si à propria vi & insita natura id  
fieri contendunt, cur itidem Plane-  
tarum corpora sua quoque vi & in-  
sita natura absque alio adminiculo  
ibidem moueri non admittūt? Præ-

terea



terea, si illa eadem Planetarum corpora, quæ, ut antea scripsimus, ex concretiore suorum orbium parte constare volunt, omnibus in conspectum prodeunt, quæ sit (cùm sursum nihil sit nisi splendidum) quòd & orbis ipsi, & eorum circuli varij cum suis lineis in eundem prospectum, idemque spectaculum non emergunt? Id cùm minùs fiat, cōsentaneum est fateri & circulos, & lineas, & alia plæraque in cœlis nulla esse: quin potiùs docendi & demonstrandi gratia, à peritis solertibusque astronomis priscis sanequam ingeniosè commenta, inuenta & excogitata esse. Quòd alia ratione cœlestis doctrina, cœlestiumq; motuum cognitio tradi non poterat, nec discentium oculis perspicuè ac fideliter subiici. In quo, ecquis, per deos immortales, tantorum virorum in-

*Cur tot circuli, orbis & lineæ in cœlo fingantur.*

B iiij



*Paradoxa rerum cœli,*

dustriam planè diuinā, & artificium  
incomparabile, non suspiciat, præ-  
dicet, ac summa laude prosequatur?  
Quis tam sublimium ingeniorum &  
illustrum hominum Manibus non  
benè precetur? Nam quid in disci-  
plinis vtilius, & ad docendum accō-  
modatius, quàm vt intellectui sen-  
sus ipsi præsidium subministrent, &  
quod animus cogitando ac meditā-  
do vix assequitur, id ipsum oculis  
videndū & manibus cōtrectandum  
exhibeatur? Hinc, hinc libet, & iure  
debeo, cum Ouidio exclamare,

Lib. I. Fa-  
stor. de di-  
uinis rerū  
cœli inter-  
pretibus.

*Fœlices homines, quibus hæc cognoscere primū,  
Inque domos superas scandere cura fuit.  
Credibile est illos pariter vitis que, iocis que  
Alius humanis exeruisse caput.  
Non Venus, aut vinum sublimia pectora fregit,  
Officiūque fori, militiæque labor.  
Non levis ambitio, perfusaque gloria fuco,  
Magnarūque fames sollicitauit opum.  
Admouere oculis distantia sidera nostris:  
Ætheraque ingenio supposuere suo.*

Rectè



Rectè igitur & sanequam appositè  
commenti sunt prisci recētiorésque  
Astronomi, varietatem orbium, li-  
nearum, ac circulorum in cœlis, a-  
liáque plurima de planetarum theo-  
riis colligēda. Quæ omnia, quia cœ-  
li moles tota continua censetur esse,  
idcirco imaginaria & fictitia prorsus  
habenda sunt, sed artificiosè tamen  
& Deo præmonstrante, solerter ex-  
cogitata, ad motus cœlestes, vt di-  
ximus, eliciendos & demonstran-  
dos. His addunt nonnulli, quòd  
quæ in splēdidissimo cœlo non cer-  
nuntur corpora, illa nusquam esse  
coniectandum est: Nam vel lucida *cōtra eos*  
essent, vel opaca: si primùm, per se *qui in cœ-*  
viderentur: si postremum, saltē præ- *lis circu-*  
sente & propinqua luce paterent, vt *lorū va-*  
in Luna apparet: cuius corpus, & si *rietatem*  
obscurum esse dicatur, & sua natura *ponunt.*  
opacum (vnde ætherea terra olim à



*Paradoxa rerum cæli,*

quibusdam vocabatur) nihilominus videndum sese palàm exponit. Si id in cœlestibus circulis & lineis à Sole minùs fieri posse contendis, fortasse ab ea stella, quam tu in proprio epicyclo stare tradis, vel ab utroque simul fieri posse, mihi, opinor, concedes. Atqui, nec hoc, nec illo modo lineæ ullæ, vel circuli, vnquam, ne Lynceo quidem, vel si quid eo oculatius fabulatum est, in cœlis apparuerunt: Quare, vel ibi nulli sunt, vel si sunt, ociosi omnes, præter scopum naturæ quæ nihil frustra agit, censentur esse, & proinde planetas nullo pacto vehere & recipere. Quo fit, ut illi à se ipsis, pro vi cuique diuinitus insita, ut antea docuimus, moueantur, sintque naturæ multò perfectioris quàm inferiora corpora: unde alienis, ascititiisque instrumentis, ut moueantur, non indigent: aptam & con-



cōgruam suis motionibus, figuram,  
tam ex toto, quàm in parte adepti.  
Quæ figura, quorsum, amabo te, Cur orbicu-  
culari, fi-  
gura stel-  
lis tribu-  
ta.  
orbiculata esset, nisi orbiculatim ex  
se moueretur stellæ? Nihil sanè ine-  
ptè, nihil temerè, nihil denique ab-  
surdè instituit vnquam natura, vel  
potiùs, diuûmque hominûmq; po-  
testas, quin magis omnibus, quoad  
eius fieri potuit, optimè consultû ac  
prospectû voluit. Cur autem orbi-  
culata figura stellis potiùs quadret,  
quàm alia quæuis, demonstratum est  
nobis in Cosmologia, & vniuersi-  
tatis mundi theatro nostro.

*Quòd cælum corruptibilem omnium qualita-  
tum sit expers. Et quonam modo stellæ sint  
dicendæ calidæ, frigidæ, humidæ, vel siccæ.*

PARADOXVM IIII.

**N**VNQVAM, opinor, is fuisti,  
Epipone Philurane, qui dum  
cœlestia corpora, calida, frigida,



*Paradoxa rerum cœli,*

Nullū cœ-  
lus adesse  
elemēta-  
ris quali-  
tatis ve-  
stigiū.

humida, siccaue esse legisti, vel pro-  
latum audiuiſti, id ipſum, perinde  
atque de noſtris corporibus, de ſtir-  
pibus & elementaribus materiis dici  
ſolet, intelligere volueris. Nam cor-  
ruptibilium corporum & viciffitu-  
dines ſubeuntium, quarum cœlum  
prorſus eſt expers, proprium id eſſe,  
vel ex primis philoſophiæ rudimen-  
tis didiciſti. Recordaberis itaq; nul-  
lum cœlis ineſſe elementaris quali-  
tatis veſtigiū, aut, ſi me academi-  
cè loqui mauis, exceſſum. Alioquin,  
ſiue ita compoſitum ſit cœlum, iam  
tot labēribus ſæculis diſſolutum eſ-  
ſet, ac tāta ſaltem magnitudine, po-  
tentia, & perennī agitatione, cætera  
perdidiffet omnia. Itaque, tanquam  
moderatiffimum & temperatiſſimū,  
omnia commoderat & attemperat,  
diuerſaque in vnum cōcorditer mi-  
ſcet. Quando verò dicimus cum  
Platone



Platone, non esse in cœlo vllum elementaris qualitatis excessum, intelligimus nullam ibi esse insignē qualitatem, sed potiùs virtutes temperatarum qualitatum effectrices & moderatrices. Atque vbi illic quædam frigida, siccaue, aut aliter, nominamus, hæc Platonica itidem ratione accipimus: vt frigidū dicatur, quod *Quid frigidū, calidū, &c. in cœlo.* minimi caloris est causa: siccum vero, quod humorem exhibet paucum. Sic Ptolemæus scribit Saturni astrū corpus nostrum frigidum & siccum reddere: quia calorem & humorem nostro minorem fouet & promouet. Quiquidem Saturnus cum suis qualitatibus, tametsi lapidibus & metallis conuenit, adhæc herbis & arboribus quamplurimis (vt in nostro Planetarū Iatromathematico propediem, fauente Deo, docebimus) nec non animalibus & volucribus,



*Paradoxa rerum cœli,*

vt asinis, mulis, bufonibus, coruís,  
talpis, bubonibus, & huius plumæ  
aliis, homini tamen minimè con-  
gruit. Rectè itaque deinceps existi-  
mabis, Epipone Philurane, primos  
rerum cœli scriptores & perscruta-  
tores, dum ex stellis alias humidas  
esse dixerunt, alias siccas, frigidas  
item, vel calidas, nihil aliud innuere  
voluisse, quàm hanc, aut illam qua-  
litatem rebus inferioris naturæ con-  
gruam, pro cuiusque vi & modulo  
illa ciere, fouere, vel augere. Non er-

*pulchra  
& notā-  
da pro  
qualitati-  
bus pla-  
netarum.* gò posthac arbitraberis Solis corpus  
vsque adeo calidum esse, vt superio-  
ra, nedum inferiora vrat & incen-  
dat: adhæc, Sâturni tam frigidum,  
Martis adeò igneū, Lunæ sic humi-  
dum (& ita de reliquis cœlestibus)  
vt omnia his qualitatibus corrup-  
pant & perdant. Quin potiùs & ve-  
riùs tibi persuadebis, in aëre & per  
illum



illum inferioribus rebus suas qualitates certa mensura, pondere & occulto defluvio, quantum non noxia corpora tardant (vt scripsit Platonius Maro) imprimere, imprimendo afficere, & afficiendo moliri vt rerum omnium prouentus & multiplicatio hinc succedat, sequaturque iusta qualitatum permutatio & alternatio: ex quarum probitate, vel improbitate, hæ aut illæ facultates rebus insunt, & tam generatio quam corruptio emanat. Quæ cum in cœlo nec sint, nec, vt ibi fiant sit necesse, quorsum calidum, frigidum, humidum, vel siccum illic constituas? Non itaque posthac cœlis, eorumve partibus stellatis, qualitates vllas elementares adesse cogitabis, sed potius materiis naturæ inferioris, illas, vt diximus, pro vi cuique stellæ indita & congenita desuper impertiri ac

*Nihil humidū, calidū, frigidū, vel siccum in cœlo esse.*



*Paradoxa rerum cœli,*

diffundi. Quod dum audis, non est  
quòd multū obstupere debeas. Nam  
sub cœlesti orbe quamplurima repe-  
rias, quæ de crassa & corruptibili  
materia, pro sibi infusa facultate, id  
aliis præstare possunt, quod nequa-  
quam in eis esse agnoscas. Vsq̃ue-  
adeò rebus multis naturalis nescio  
quæ energiea & vis adoperta latitat,  
qua duce, stupenda & miraculi ple-  
na efficere palàm multa obseruatur.  
Quæ natura nos potiùs admirari,  
quàm scire voluit: vnde via omni-  
bus omniū oculis clausa, & humanis  
rationibus minimè peruia absolui  
hec videmus. Quorum si publica te-  
stimonia exigis, præter alia innu-  
mera, prodigiosas aquarum aliquot  
vires & naturas, hîc tibi proponere  
nec grauabor, nec cunctabor.

Lib. Me-  
tamorph.  
xv. de

- medio, (inquit Ouidius) tua corniger Ammō  
Vnda die gelida est, ortūque, obitūque calefcit:

*Admotis*



*Admotis Athamanis aquis accendere lignum* prodigio-  
*Narratur, minimos cū Luna recessit in orbeis.* sis aqua-  
*Flumen habet Cicones, quod potum saxea reddit* rū mira-  
*Viscera: & attractis inducit marmora rebus.* culis.  
*Crathis & hinc Sybaris vestris conterminus oris,*  
*Electro similes faciunt, auróque capillos.*  
*Cui non audita est obscena Salmacis vnda,*  
*Aethiopésque lacus? quos si quis faucibus hausit,*  
*Aut furit, aut patitur mirum gravitate soporem.*  
*Clitorio quicumque sitim de fonte leuarit,*  
*Vina fugit, gaudetque meris abstemius vndis:*  
*Huic fluit effectu dispar Lyncestius amnis,*  
*Quem quicumque parum moderato gutture*  
*traxit,*  
*Haud aliter titubat, quā si mera vina bibisset.*  
*Est lacus Arcadiæ (Pheneum dixere priores)*  
*Ambiguus suspectus aquis: quas nocte timeto:*  
*Nocte nocent potæ, sine noxa luce bibuntur.*

Haftenus Naso: quæ sequuntur  
 de fonte Iouis Dodonæi in Epyro,  
 Lucretij esse admonemus.

*Frigidus est etiam fons, supra quem sita sæpe*  
*Stupa, iacit flammam concepto protinus igni.*  
*Tedâque consimili ratione accensa, per vndas*  
*Collucet: quocumque natans impellitur auris.*

C



*Paradoxa rerum cœli,*

Scribit præterea Iouianus Pontanus de fonte Sarni, ad hunc modũ:

--- *videas lapidescere Sarni*

*Ceruleo sub fonte alnum, filicisque maniplos,  
Et paleæ intortos lento cum vimine culmos.*

*Pulchra  
de magne  
te, sap-  
phiro, vn-  
gula Al-  
ces.*

Hæc illi: quibus si fidem detrahis,  
quòd poëtica sint, experta ac proba-  
ta adferam: primũque omniũ ma-  
gnetem producam, quem vel è lon-  
ginquo ferrum ad sese pertrahere, &  
propria vi ac specifica natura sibi al-  
licere, nemo, nisi fortasse lippus, nõ  
videt. Proferam & sapphirũ, quem  
(modò verus & genuinus fuerit) pe-  
stilentes anthraces, seu carbones, lo-  
co fugare, & eadem vi ad se trahere,  
fidem facit experientia, rerum incer-  
tarum magistra certissima. Proponã  
insuper nobile illud cornu vngulæ  
Alces, cuius particula annulo inclu-  
sa, & medico digito ita commissa vt  
in palmam conuertatur, epilepticos  
in



in paroxysmo collapsos, vbi incaluerit, confestim excitat & releuat. Quod etiam præstat illa eadem particula, si manui in pugnū complicatæ inferatur, vel collo appensa ita gestetur, vt cutim attingat: sicuti multorum experimento compertū habemus. Postremò, ne hîc verbosior appareā, radicem pæoniæ, præsertim maris, in hoc theatrum proferam: quæ recens collo epileptico- rum appensa, frequentibus Galeni experimentis illos sanauit. Producerem alia huiusmodi sexcēta in nostris naturæ Arcanis, memorabilium Centuriis, Harmonia cœli & mundi scripta, nisi præcipuum instituti nostri scopum & finem transiliisse metuerem. Itaque, si hætenus proposita vera sunt, vt esse constat, si aquæ, plantæ, lapides, & alia corruptioni obnoxia, ea præstant, agunt, mouēt



*Paradoxa rerum cæli,*

*Stellarum  
corpora  
occulto  
cælesti  
privilegio  
admiran-  
da posse  
facere.*

& excitant quæ de omniū sensuum  
exploratione & iudicio non sustinēt  
nec præ se ferunt, sanè credibile est  
diuina stellarū corpora, omnis ma-  
teriæ & corruptionis expertia, oc-  
culto cælesti privilegio, multò ma-  
iora posse. Volo dicere ab insita vi,  
humiditatem, caliditatē, & vt pau-  
cis concludā, primas, secundāsque  
qualitates, & alia in naturæ thesau-  
ris recondita, sublunaribus materiis  
(nisi quantū noxia corpora tardant)  
facilè conflare posse & afflare: Ta-  
met si illa ipsa habere & circūferre nō  
agnoscantur: quin potiùs, iis domi-  
nari, & ita volēte Deo, pro arbitrio  
prescribere & imperare censeantur.

*Stellas de radiorum reflexione sursum facta, ve  
quibusdam visum fuit, nullum calorem deor-  
sum mittere: nec illarum qualitates iudicari  
verè posse ab iis coloribus quos præ se ferre  
existimantur.*

PARADOXVM V.

NEMO



**N**EMO est, Epipone Philurane,  
 in rebus naturæ vel mediocri-  
 ter versatus, qui non intelligat qua-  
 litates elementares in cœlis, (vt pau-  
 lò antè monstrabamus) nullas esse:  
 quin potiùs à stellis, pro cuiusque vi,  
 loco & energiea rebus inferioribus,  
 occulto cœli priuilegio, per aërem  
 variè demitti & afflari. Quod qui  
 negat, vel ignorat, obseruet quotan-  
 nis diuinam Solis vibrationem, aut  
 si mauis, coruscationem & radium:  
 Procul dubio fatebitur ipsum So-  
 lem vno tempore aliter in hæc infe-  
 riora agere, quàm alio, pro eius situ  
 & motu in Signifero, quæ numerosæ  
 naturæ & multitudinis circulū per-  
 appositè vocat Trismegistus. Vali-  
 dius etenim in vna Zodiaci triade,  
 imò verò sub signo vno, agit in res  
 terræ, quàm sub alio (sicuti in opu-  
 sculo de cœli & terræ harmonia,

*Quomo-  
do elemē-  
tares qua-  
litates à  
cœlo &  
stellis de-  
orsum mis-  
tantur.*



*Paradoxa rerum cœli,*

abunde & luculenter ostendimus)  
nimirum ob eius maiorem, mino-  
remue moram : cui calore de radio-  
rum reflexione deorsum diffusus, &  
à propinquiore vel remotiore loco  
dēmissus, comitem se præbet. Quæ  
quidem reflexio, densi alicuius cor-  
poris obiectu hospite aëre fieri solet.  
Iam, cū in cœlo nullus sit aër, nihil  
aëreum, nihil dēsum, & ex vna qua-  
litate in aliam, vt id iterum atque  
iterum repetam, conuertibile, quo-  
modo illic de radiorum reflexione  
excitari poterit calefactio, qua astra  
fursum incalescant, & conceptum  
hinc calorem, spatio vsque adeo im-  
menso, deorsum regerant & disse-  
minent, vt nōnullis asserere placuit?  
Verū enim uerò, hæc quispiā mihi  
fortassis concedens, illico ad alia  
transfugiet: nimirum quòd calidi &  
frigidi qualitates, adhæc humidi &  
sicci

Nullā ra-  
diorū re-  
flexionē  
in cœlo  
fursum  
fieri.



sicci, ideo planetis tribuantur, quoniam eorum colores illas ipsas qualitates præ se ferant: & ob id deorsum tales ex se promant & transmittant. Sic martiæ stellæ corpus feruidum censetur esse ac igneum, quia rutilum & coruscum apparet: Saturni frigidum, quia liuidum: Solis calidum, quia fuluum: Lunæ humidū, quia caliginosum: Veneris subfrigidum & vaporosum, quia albicās & quodammodo crySTALLinum: Iouis temperatum, quia, vt sic dicā, argentaureum: postremò, Mercurij variæ naturæ, quòd versicolore sit aspectu. Itaque, quia tales apparent planetarij colores isti, idcirco similia deorsum refundere existimantur.

Ego, vt paucis respondeam, nunquā eos putavi audiendos qui planetarum & stellarum qualitates à colore probant & excipiunt. Nam inter

*Rerum  
qualitates à coloribus non  
esse excipiendas.*

C iiij



*Paradoxa rerum cæli,*

philosophos & medicos præclare  
conuenit, colores infidos esse testes  
primarū qualitātū: etiam si tam si-  
miles sint colores ipsi inter se, quàm  
est ouum, quod dicunt, ouo, aut lac  
lacti. Id quod apertè demonstrabūt  
flores violæ luteæ & nymphaeæ, seu  
nenupharis. Quorum illi calidissimi  
sunt, hi verò frigidissimi: licet in lu-  
teo colore versentur ambo. Idem  
de calce & cerusa censendum erit:  
quarum illa impensè calida est &  
caustica, hæc frigida: color utrique  
candidus. Sic flores violæ nigræ &  
ireos, colorem quadatenus eundem  
præ se ferunt: hi tamen ut tota plan-  
ta calent, illi frigent. Addam ane-  
mones & papaueris erratici flores,  
qui & si sub eodem colore militent,  
qualitate nihilominus inter se variè  
differunt: perinde atque arsenicum  
crystallinum, & alumen sacchari-  
num



num dictum. Si demonstrationes  
istæ tibi sordent, nec valde arrident,  
hinc ansam arripiam, vt aliquid au-  
daciùs proferam: nimirum sideribus *sideribus*  
colores propriè & peculiariter nul- *colores*  
los inesse. Quos à varia primarum *nullos*  
qualitatum mixtione (quæ in cœlis *propriè*  
nulla est) fieri, nemo inficiatur phi- *inesse.*  
losophus. Ex quo fulgores & splen-  
dores libentiùs in illis agnoscerem,  
quàm aliud quiduis. Quiquidem  
splendores per aërem diffusi, quia  
vno modo nostros oculos non affi-  
ciunt & morantur, ita in stellis simi-  
les sibi semper non apparent: cùm  
ob naturam ætherei corporis, vnde  
splendor ipse exilit, tum ob aëriæ  
regionis constitutionē subinde mu-  
tabilem, fugacem ac planè variam:  
Per quam radij stellarum modò re-  
cti, modò obliqui, & aliter, ad nos  
demittuntur. Quoniam verò à locis



*Paradoxa rerum cæli,*

*Vnde ob-  
oriatur et  
mētiatur  
colorū va-  
rietās in  
stellis.*

remotissimis æditissimisque per aë-  
rias plerunque nubes & caligino-  
sum tractum in oculum defluunt, id-  
circo varij, vt varius erit aëriæ re-  
gionis campus, ad nos descendunt,  
& diuersimodè picturatur. Ad quæ  
visus nostri errorem & hallucinatio-  
nem etiam adiicies: qui quidem vi-  
sus, hos vel illos colores in cœlesti-  
bus corporibus, aëriisque nubibus  
variè mentiri plerunque solet, ob  
varia mediij impedimenta, *Φάσματα*  
& obiecta. Exemplā vt quotidiana,  
ita minimè obscura, habes in Sole  
& Luna: quorum corpora quis non  
videt lōgè alio colore illustrari dum  
oriuntur occiduntve, quàm vbi cœ-  
li culmen possident? Adhæc, per va-  
porosum aërē aliter apparere, quàm  
per limpidum & serenum? Aliter  
præterea per rubicundulum, vel lu-  
teum aërem, quàm per fuscum &  
palli-



pallidum? In quarum rerum demonstrationibus & causis, quia totæ sunt aëriæ nostræ Ephemerides, & rusticorum Astrologia, verbum non amplius addam.

*Nec temerè, nec fabulosè indita esse nomina planetis & caelestibus signis, seu asterismis: quæ etia in hunc vsque diem retinentur & viget.*

PARADOXVM VI.

**E**GO in ea semper fui sententia, Epipone Philurane, vt existima-uerim nec frustrà, nec fortuitò, nec per iocum aut fabulosè planetis & asterismis cœli indita esse nomina: quin potiùs certa quadam ratione à priscis rerum cœli & naturæ scrutatoribus & nomenclatoribus rite & appositè data fuisse: vt cuiusq; planetæ natura, & asterismi cuiuslibet proprietates similitudine quadam ad posterum transiret, & alter ab altero

*Certa ratione à priscis indita esse nomina stellis & signis cœli.*



*Paradoxa rerum cœli,*

propria appellatione distinguere-  
tur. Quod etiam ab ipsis homini-  
bus factum, obseruatúmque repe-  
ries, dum rebus nomina imposue-  
runt: sed ita, vt illorum nominum  
bona pars ab effectis rerum quas in-  
dicant, & proprietatibus potissimú  
deducatur. Sic, quibus in rebus agri-  
cultura versatur, imò verò ars quæ-  
uis, illarum rerum appellationes sa-  
nequàm appositas agnoscit. In quã  
rem ecquis medicos in plerisque  
herbarú medicamentorúmque vul-  
gandis nominibus etiam incubuisse  
ignorat? Laudi itaque dandum est  
priscis rerum cœli nomenclatoribus  
primis & illustratoribus, si hoc idẽ  
seruarunt dum clausas adhuc in Dei  
& naturæ sinu planetarum vireis, si-  
gnorúmque cœli significationes, vo-  
cibus per quàm accommodis reclu-  
serunt, expresserunt & manifestarunt.

Quibus



Quibus non minimùm opis & ornamenti veteres poëtæ etiam attulerunt: dum commentis suis, Dij boni, quàm eruditis & sublimibus! eam philosophiæ partem quæ ad cœlum & stellas pertinet, inornatam relinquere noluerunt. Itaque, quemadmodum illi hominibus nomina effinixerunt, pro eorum virtutibus & vitiis, sic Planetis, signis & sideribus appellationes quoque sub fabuloso velo imponere sategerunt, quæ per quâdam similitudinem animalium, personarû, aut rerum aliarum, proprietates ipsorum planetarum & signorum cœli ad vnguem exprimerent, ac designandis cùm corporum tum animorû constitutionibus, quæ ab illis pendent, optimè congruerent. Addo, quòd sicuti nauigatione consuetudo reperit, bellicâ disciplinam vsus, rhetoricam & omnem dicendi

*Veteres  
poëtæ non  
minimùm  
opis attu-  
lisse rebus  
cœli.*



*Paradoxa rerum cæli,*

artem exercitatio, agriculturam & medicinam assidua ac diligens obseruatio, ita cæli & stellarum nomina, motus, vireis, effectiones, ac significata, illa eadem sedula, iugisque & indefessa obseruatio rite peperit

*Rerū cæli  
nomēcla-  
tura ori-  
go et pro-  
gressus.*

ac reperit. In qua, cum maiorum nom-  
strorum solertia tota esset, necdum  
tamen cœlestium corporum ratio-  
nem satis compertam haberet, pri-  
mum ignes æthereos, modò stellas  
(quòd illas fortassis stare putaret)  
modò ἀστέρων καὶ ἀστρά, ἀπὸ τῆς ἀστραπῆς,  
hoc est, à fulgore, & tum demum si-  
dera à sidēdo, vt Martiano Capellæ  
placet, nuncuparunt. Tandem verò  
vbi motuū cognitio in lucem pro-  
diit, ex septem inferioribus stellis  
duæ Ptolemæo & priscis τὰ φῶτα, id  
est, lumina, & Moysi κατ' ἐμφασιν, lu-  
minaria, nuncupatæ fuerunt. Aliæ  
verò quinque, ab ipso errore & vaga  
peragra-



peragratione, *πλανῆται*, hoc est errantes, seu erronee dictæ fuerunt: non quòd errent & vagentur sine certa lege, sed quòd præter motum cœli quotidianum, quælibet earum motu peculiari liberè & variè conuertatur, vt antea dilucidè & familiariter à nobis monstratum est. Nihil enim errat, vt scribit Cicero, quod in omni æternitate progressus & regressus ad vnguem seruat, omnesque motus constantes habet & ratos. Quòd attinet ad cœtum superiorum stellarū quas octauus orbis recipit, inerrantes ac fixas vocauit sedula antiquitas. Non quòd sint immobiles, & clauorum modo in curruum rotis defixæ, vt suprà docuimus, sed quòd earum motus post centum annos, quod vitæ humanæ spacium est longissimum, vix deprehendatur. De quarū numeroſo theatro sicuti pau-

Vnde  
octauus  
orbis stel-  
larū, fixæ  
& inerrantes di-  
cantur.



*Paradoxa rerum cœli,*

co tempore pauca dignosci potuerunt, ita multo & longo, quam plurimæ innotuerunt. Quas nec frustra moueri, nec temere sua obire munera, non est, nisi fortasse Cyclops, vel Epicureus quispiam, qui negare cōtendat. Verum enimuerò, de stellis omnibus citò ac facilè comprehensæ fuerunt Planetarum peragrationes, naturæ, ac potestates, cum ob propinquitatē eorum, tum etiā ob motuum celeritatem. Nam tempora quibus illos absoluunt, & quid in coniunctionibus, quid item in aspectibus & singulis tum locis, tum signis decernunt, industria adhibita pedetentim assecutum est.

*Quòd cœlum in res inferioris naturæ quasi momento agat, & summè admiranda moliatur. Adhæc, stellarum radios etiam in durissimâ & densissimâ corpora illico penetrare, & occultas mundi rebus facultates latenter afflare.*

PARADOXVM VII.

COELO-



COELORVM magnitudo immen-  
 sa, virtus & motio facit, Epipo-  
 ne Philurane, vt omnes omnium si-  
 derum radij, terræ molem, quæ quasi  
 punctum est ad cœlum, momento  
 & facillimè vsque ad centrum pene-  
 trent: ibique de Pythagoricorum &  
 Platoniorū sentētia fortissimi sint,  
 quia recti & in angustum collecti, &  
 ob id centrum vndique contingen-  
 tes, ac pulsando ad intima vsque pe-  
 netrantes: tantū abest vt superfi-  
 ciem solam, veluti lambendo, col-  
 lustrent. Quæ res mira videri non  
 debet, cū aër & qualitas eius, ad  
 hæc sonus illo minùs efficax, solida  
 corpora subitò transmeet, & quadā  
 sua qualitate afficiat. Si verò durities  
 radiis penetrantibus obsisteret, sanè  
 lumen multò citius aërem quàm  
 aquam penetraret: & rursus hanc  
 multò ocius quàm vitrū, & vitrum

*Radij re-  
 cti & in  
 angustum  
 collecti  
 fortissimi.*

D



*Paradoxa rerum cœli,*

*Duritiam  
& densi-  
tatem, stel-  
larum ra-  
diis nullo  
modo ob-  
sistere.*

similiter quàm crystallum. At cùm  
eodem momento solida & densa,  
quo liquida & rara cuncta transfuer-  
beret ac inuadat, hinc perspicuè  
constat duritiem radiis nullo modo  
obsistere: ex quo fit, vt & metalla &  
plantæ, cœlestium corporum ra-  
dios, influxusque ex æquo suscipiāt,  
& ad tempus conseruent quæ illis  
cœlitus demissa sunt ac infusa ex cō-  
currentium radiorum contactu &  
spiraculo. Quid hoc, quòd materia  
durior quò magis obsistere videtur,  
eò plus causæ præpotentis ictibus  
sefe exponit? Sic ensis lignum sub  
lana incîdit, non incisa lana: sic ra-  
dius fulmineus corio quandoque  
illeso, metallum in eo dissoluit. Cùm  
verò natura cœlestis hoc inferiore  
igne nulla comparatione sit præstā-  
tior, non est censendum radij cœle-  
stis officiũ duntaxat tale esse, quale  
est



est ignei radij opus, nimirum illuminare, calefacere, exsiccare, penetrare, extenuare & dissolvere, quæ sensibus nostris sunt manifestissima: sed multò plures, mirabiliores, efficaciorésque vires, necnon effectus habere: Alioquin & materia inferior & caducus sensus cum divinitate cœli penitus æquaretur. Hinc scilicet multæ emergunt rerum virtutes occultæ & hæctenus incognitæ, quæ ab elemētari natura manare haud quaquam possunt, sed veriùs à cœlesti. Possunt itaque cœlestes radij occultas ac mirandas facultates, vna cum forma rebus ipsis imprimere. Nam inanimati, vt sic loquar, non sunt, veluti lucernæ radij, sed, vt Academicis visum est, viui & tanquam per oculos viuentium corporum emicantes: vnde mirificas doctes secum à mentibus diuinis ferunt

*Radios  
cœlestes  
non esse  
inanimatos, vt  
sunt lucernarum radij.*

D ij



*Paradoxa rerum cœli,*

ac referunt, aguntque in corpora  
non dicam mollia, sed & durissima:  
quæ re vera ad cœlum infirma ha-  
bentur. Cæterum, variis in stellis va-  
rias inesse vires, Epipone Philurane,  
tibi certò persuadebis, & in earundē  
radiis aliter atque aliter incidenti-  
bus virtutes itidē diuersas. Adhæc,  
in radiorum mutuo occurfu & con-  
cursu, hîc aut illic factò, diuersas  
plantis, lapidibus, metallis & ani-  
malibus vires diffundi & infundi,  
multò magis & citiùs quàm ab ipsis  
elementorum, qualitatumque ele-  
mentaliū mixtionibus: multò præ-  
terea citiùs, quàm à tonis & nume-  
ris aliter & aliter concinētibus, mo-  
ueantur & afficiantur animi nostri.  
Si ad hæc sedulò animaduerteris, nō  
negabis, nec diffides subitò quodam  
radiorum iaculatu à dispersis deor-  
sum cœlestium corporū spiritibus,  
& col-



& collectis hinc inde diurnis nocturnisque eorum ignibus, vires inferioribus materiis occultas imprimi, necnon varias ac diuersas, ex diuerso à stellis diuersis iactu & pulsatione. Id quod non admodum miraberis, Philurane, si ob oculos tibi posueris fascinationes repentino quodam intuitu factas, & acerrimos amores, solis oculorum radiis statim accensos. Non dubito te legisse familias quasdam apud Illyricos & Triballos iratas, homines multos solo visu peremisse: & fœminas quasdam in Scythia idem factitasse: Ad hæc, torpedinem pisciculū solo tactu per virgam illico piscatoris manum stupescere: & remorā pisciculum aliū, solo tactu grandem nauem sistere. Hæc, vt alia pleraque prodigiosiora, quæ sciens omitto, si fiunt, quis, obsecro te, negabit cœlestia corpora

Vnde, & quomodo inferioribus materiis occultæ vires imprimantur.



*Paradoxa rerum cœli,*

*pulchra  
et summè  
notanda  
ac obser-  
uanda.*

simul atque suis radiis ceu oculis inferiora contingunt, afficiunt, & iugiter pulsant, rebus terræ virtutes infundere abstrusas, à quibus miranda, & vixdum intellecta prodire experimur, modò ritè apparentur & opportunè ministrentur? Cùm tu helleborum colligens, siue deorsum folium trahas, siue sursum, hoc subito & solo tactu causa sis helleboro, vt deorsum educat humores, aut sursum, num diuiniore modo & via concedes cœlestes radios in paratis materiis suo contactu multò maiora posse? Nonne, cœli vultu suffragante, innumerabiles sæpe ranæ, similisque animantes, ex arenis & terra vel momēto emergunt & exiliunt? tanta est cœli potentia, tanta celeritas & energeia in has mundi inferioris paratas materias. Postremò, si ignis hic noster hoc habet, vt quàm breuissimo



uiffimo tempore id faciat quòd cæ-  
 tera longo, vel ob id præcipuè quòd  
 ignium cœlestium crassa quẽdam fit  
 imago, quis dubitet cœlum vniuer-  
 sum cum puris, diuinis & efficacissi-  
 mis ignibus suis, ac tenuissimis &  
 simplicissimis eorum radiis, longè  
 præstantiora & efficaciora, siue mo-  
 mento, siue aliter efficere posse, etiã  
 in materia minùs parata, sicut solet  
 ingentior flamma? Pendent itaque *Rerũ in-*  
 rerum inferiorum virtutes à cœlo & *feriorum*  
 supernis radiis, à quibus terrestres *virtutes à*  
 materiæ alioquin debiles ex se, in- *cœlo pen-*  
 formantur, iuuantur & excitantur: *dere.*  
 quo modo in succino latitans virtus  
 paleas trahendi, frictione & calefa-  
 ctione excitari solet. Sed in his versa-  
 tum hæcenus satis erit, tãtis per dum  
 alibi hisce de rebus & plenius &  
 planius, Deo fauente, tibi philoso-  
 phabimur.

D iij



*Paradoxa rerum cœli,*

*Rerum cœli cognitionem & vsum medicis ac  
medicæ arti plurimum conferre, magnūque  
ægotantibus auxiliū præstare. CAP. VIII.*

*veteres  
Græcos  
non sepa-  
rauisse a-  
stronomiā  
ab astro-  
logia.*

**A**NTIQVÆ & confirmatæ est  
sententiæ, Epipone Philurane,  
inter eos qui in operibus naturę sunt  
exercitati, quòd rerum cœli cog-  
nitio (quam & astronomiam & astro-  
logiam prisci Græcorū absque vllō  
discrimine nuncuparūt) medicis do-  
ctrina, & nomine præcellere cupiē-  
tibus, summopere amplectanda sit.  
Cuius rei si quis vetus testimonium  
exigit, ego illi omnium primū in  
hoc theatro producam Hippocratē  
bonorum omnium auctorē, in libro  
de aëre, locis & aquis, ad hunc sua  
lingua loquentem modum, ἰστέον ὅτι  
οὐκ ἐλάχιστον μέρος συμβάλλεται ἀστρονομίῃ  
ἐς ἰατρικὴν. hoc est, sciendum quòd  
ad medicinam non minimū con-  
fert astronomia. Quo loco audis  
priscos



priscos astronomiã non distinxisse  
ab astrologia. Proferã insuper Clau-  
dium Galenum, *μισοτρολογους* medicos  
ad hocce Hippocraticum oraculũ,  
ceu ad *ἐπωδὸν* vocem obsurdescētes,  
tali verberare flagellantem: Qui astro-  
nomiã imperitus est medicus, hunc  
celatum nolim, haud quaquam ob-  
sequi Hippocrati ad illam cohortã-  
ti. Proferam & alterum Claudium,  
nimirum Ptolemæum *σὺν Γαλῆνῳ* Gale-  
ni, in hunc loquentem modũ: Ægy-  
ptij prædictionibus astronomicis  
vbique medicã artem coniunxerũt,  
vnóque verbo aptationem illam &  
coniunctionẽ *ἰατρικὴν ἀστρολογικὴν* nun-  
cuparunt: vt astronomia declararet  
aëriarum constitutionum proprie-  
tates, & quid casuum cœlũ nos cir-  
cundans intentaret, cum propriis  
quorumque causis, sine quibus opẽ  
certam ferri posse non sunt arbitra-

Priscos  
medicos  
astrologiã  
cum me-  
dicina cõ  
iunxisse.



*Paradoxa rerum cœli,*

ti. Scientes omnia omnibus corpo-  
ribus & morbis non cōuenire: Me-  
dicina verò efficeret, vt & futuri  
morbi auersio, & præsents curatio,  
quoad eius certissimè fieri posset, de  
concordibus, aut contrariis singu-  
lorū effectiōibus existeret. hactē-  
nus ille. Sanè, cū medicina ex se  
præclara sit sciētia, medicus nihilo-  
minus præclarus ac perfectus esse nō  
potest, nec salubriter medicamentis  
vti, absque astronomia: quā, vt di-  
xi, prisca Græcorum gens ab astro-  
logia non separauit. Superioribus  
tantorum virorum testimoniis sub-  
scribit medicus & philosophus ille  
incomparabilis Marsilius Ficinus,  
cū alibi passim, tum maximè in li-  
bro de vita cœlitus haurienda, cōpa-  
randa & tuenda, ita loquens: Medi-  
cinas cœlesti quodam adminiculo  
confirmatas, nisi fortè vitam negle-  
xeris

*Aurea  
verba  
Marsilij  
Ficini, &  
summè no-  
tanda.*



xeris, ne spernito. Ego enim, inquit, frequenti experientia compertū habeo, tantū interesse inter medicamenta cœlesti adminiculo confirmata, & alia aliter instituta, quantum inter merum & aquam. Sed hîc audire etiam pulchrum erit, quæ à clariss. philosopho & mathematico Gaspare Peucero scripta sunt. Hippocrates, inquit, admonitiones & præceptiones de observandis orientium & occidentium siderum momentis, & hinc præmetiendis securis tempestatibus sæpe in suis voluminibus sparsim repetiuit, ac sedulò iis conculcauit quos ex schola aliò ad exercenda faciendâque artis opera ablegauit: tanquam rem magni momenti & planè necessariam prænoscendis, anteuertendis, & depellēdis, si inuaserint, morbis. Posthæc addit: Galenus Dioclem Cary-



*Paradoxa rerum cæli,*

*Veteribus  
medicis  
obserua-  
tiones si-  
derũ vfi-  
tatas fuis-  
se.*

stium (qui secūdus, Plinio teste, post Hippocratem ætate, famáque extitit) testem citat affirmãtem, non sui sæculi solùm, sed & veteribus medicis obseruationes siderum vfitatas fuisse. Illud verò & ego assentior, inquit Peucerus, & nemo inficiabitur, quòd quisque penè in singulos dies experitur, affici aliàs aliter diuersis cœli cõstitutionibus principes corporum nostrorum parteis, quique his adsunt & seruiunt humores ac spiritus. Vnde fit vt ab astris, ceu partialibus causis, interdum fimus ad cogitandum, gerendũue aliquid alacriores & expeditiores, interdum minùs idonei. Subscribam alterius philosophi & mathematici clarissimi Hieronymi Vvolfij elegantem in eam rem sententiam. Si corpus, inquit, ad aliquem morbũ est propensius, maturè semina illius morbi



morbi cauenda sunt ac tollēda: quæ  
iam medicorum prouincia est: qui  
si astrologiam cum sua arte coniun-  
gerent, profectò suo munere ma-  
iori cum laude fungerentur. Verum-  
enimuerò, dimissis recentiorum te-  
stimoniis de applicanda medicina  
cum astrologia, superioribus multò  
antiquiora in medium proferamus,  
vnūque Mercurium Trismegistū,  
qui Mosi ferè contemporaneus ex-  
titit, ceu summū hisce de rebus Ari-  
starchum & censorem nunc demū  
accerſamus, eūque è suo Græco,  
Latinè per nos ad hunc modum lo-  
quentē, attentissimè, quæso, audia-  
mus. Necesse est, inquit, cum qui ar-  
tem medicam exercet, dispositionē  
mundi nosse, ac stellas contemplari,  
& quo pacto se habeant inuicem. Nā  
nihil in rebus humanis fit absque il-  
larum complexu & congressu: non

*Ex libro  
qui inscri-  
bitur ἱε-  
ρομαθι-  
ματικῇ,  
ad Am-  
monem  
Ægyptiū.*



*Paradoxa rerum cœli,*

acuti morbi & præcipites, non periodici & per statos dies recurrentes: Imò nec seruatur quis à medicina, nec qui curæ habitus est diligenti, incolumis degit, aut moritur, nisi cœlo conscio. Oportet igitur medicum exacta sedulitate decubitū eius, qui corpore est afflicto & infirmo exploratum habere: nimirum, qua hora & temporis articulo morbus irruerit. Quod si ad vnguem deprehendere nequeat horā in qua morbus suum nunciauit aduentū, erigat astrologicū thema, & obseruet quo pacto disponatur cœlestis mundus, atque adeò cum qua stellarum Luna rationem habeat & commercium, &c. Hæc ad verbum antiquissimus ille & ter maximus Mercurius: quē inter Sibyllas collocare non veretur Lactantius Firmianus. Sed de conjunctione rerū cœli cum medicina,  
tibi



tibi pauca hæc, Philurane, in præ-  
sentiarum satis erunt. Nam & ple-  
niùs & explicatiùs ea de re, fauente  
Deo, scripturi sumus, & propediem  
publicaturi ex libro cui titulum da-  
mus Planetarum Iatromathemati-  
ce, seu medica æquè ac astronomica  
de Planetis narratio & doctrina, ad  
rerum cœli Tyrones socios tuos.

*Deum Opt. Max. totius vniuersitatis mundi  
authorem & moderatorem, diuinitatis semi-  
na vbique spargere, & per singulas mundi  
particulas, nedum in planetis & stellis solis  
relucere.* CAP. IX. pro Coronide.

**G**ENTIVM omnium & populo-  
rum philosophia, nedum Chri-  
stianorum communibus sententiis,  
Epipone Philurane, eò semper ten-  
dere mihi visa est, vt & cœlum, &  
vniuersa quæ inferior mundus ca-  
duca & fragilia continet, proximè à



*Paradoxa rerum cœli,*

*Omnia tā  
sursum,  
quā de-  
orsum, à  
Deo crea-  
ta esse.*

*Mercurij  
Trismegi-  
sti aurea  
verba, ex  
suo Py-  
mandro.*

Deo creata esse prædicauerit: & ab  
eodem vires accipere, retineréque  
diuinas, siue patētes illæ fuerint, siue  
occultæ. Qua persuasione moti ve-  
terum plerique, Deum per omnes  
naturas esse diuisum, eiúsque numi-  
nis plena esse omnia, dicere nihil  
sunt veriti. Quòd vis illa diuinitus  
accepta in omnibus eluceat, ac per  
omnia longè, latéque fundatur: sed  
aliter per terram, aliter per cœlos.  
in quam rem diuino ore philoso-  
phātem Mercurium Trismegistum  
audire pulchrum erit: Deus, inquit,  
totius expers inuidiæ, per singulas  
mūdi parteis vbique splendet: atque  
adeo se notum præstat, vt non intel-  
ligere modò, sed manibus etiā ipsis,  
vt ita dixerim, attrectare liceat. Nam  
vndique oculis nostris eius imago  
obuersatur, séque passim obiicit &  
inculcat. Cū Deum videre voluc-  
ris,



ris, ô fili, suspice Solem, suspice Lunæ cursum, suspice siderû ordinem reliquorum. Quis, agè, perpetuum horum seruat ordinem? Quis mare suis sinibus circûscribit? Quis terræ pondus sistit ac librat in medio? Est certè, aliquis, ô fili, horum autor & dominus: atque vtinam tibi daretur facultas, vt alarum adminiculo in sublimem aëris plagam volares, mediâmq̃ inter cœlum & terram regionem fortitus conspiceres terræ quidem soliditatem, maris diffusionem, fluxum fluminum, aëris vastitatem, ignis actam celeritatē, astrorum cursus, & cœli rapidam velocitatem. O fœlicissimum, fili, spectaculum, ô beatissimam visionem! Si quidem vno oculorum motu seriem mundi totius comprehenderes, immobilem factorem, concitum, latentem quoque perspicuû cerneres.

*Deum per omnes naturas esse diuisum, & eius numinis plena esse omnia.*

E



*Paradoxa rerum cœli,*

Quòd si etiam per ea quæ terra sustinentur fragilia, & quæ profunditate conduntur, Deum artificem inuestigare volueris, facilè tibi erit inuenire. Caue, ô fili mi, caue ne vnquam artificium priues artifice. Quinimo, congruo Deum nomine patrè omnium vocato, patrémque esse, proprium eius opus existimato. Quòd si me quiddã audacius, ô fili, proferre coegeris, eius essentiam esse dicam concipere, ac facere singula. Cùm statuam & imaginem absque fabro & pictore fieri nullus asserere audeat, miram huius mundi cõstructionem, sine conditore constitisse putabis? ô cœcum homunculum! ô nimis impium! Quemadmodum sanè sine factore fieri quidquam nequit, ita Deum existimare nisi semper agat omnia impossibile est: in cœlo videlicet, aëre, terra, mari: in  
toto



toto mundo, in qualibet mundi particula tota: tum in eo quod est, tum in eo quoque quod non extat. Nihil enim est in omni natura, quod ille ipse non sit. Est ille siquidem quæ sunt, & ea etiam quæ minimè sunt. Quæquidem sunt, deduxit in lucem, quæ non sunt, occulit in seipso. Hic Deus nomine melior, hic occultus, hic rursus patentissimus, hic menti conspicuus, hic præsens oculis, hic incorporeus, hic, ut ita dixerim, multicorporeus. Nam nihil in corporibus est, quod ipse non sit: omnia enim ipse solus existit. Nomina insuper habet omnia, quoniam omnium vnus est pater. Nomen quoque nullum habet, quoniam pater est omnium. Et si quid aliud quis cogitat, vel etiam cogitabit vnquā, id omne Deus agit: Actio Dei potestas insuperabilis: cum qua nec

*Mira de  
Deo phi-  
losophia,  
& eius,  
ut ita di-  
cam, om-  
nipotentia.*

E ij



*Paradoxa rerum cæli,*

humanā vim, neque diuinam vllam  
comparare quis audeat. Caue igitur  
ne quid infernorum, ne quid etiam  
supernorum Dei simile cēscas : nam  
à veritate penitus aberrares. Nihil  
quippe simile eius est quod dissimi-  
le, solúmque & vnum est. Neque  
cuiuspiam putes eandem quę Deo vim  
adesse. Quid enim post illum tale &  
ad vitam & ad immortalitatem, &  
ad qualitatū transmutationem?

*Ociosum  
non esse  
Deū, ali-  
ter ociosa  
forēt om-  
nia.*

Ociosus non est Deus, nam ociosa  
forent omnia : cuncta siquidē plena  
sunt Deo : ocium verò in nullis mun-  
di partibus reperitur. Agè, contem-  
plare per me subiectum tuo conspe-  
ctui mundum, atque eius diligenter  
circumspice formam, inuiolabile  
corpus, quo nihil antiquius, per om-  
ne quidem adultum ac virens. Inspi-  
ce præterea mundos septem super-  
positos ornatu mirifico fabricatos,  
ordine



ordine sempiterno, & indefatigato  
cursu suo differenter complentes  
æuum, plena lumine singula. Esse  
itaque horum omnium autorem  
præ cæteris est perspicuū. Quisnam  
iste? quis alter præter vnicum Deum?  
Num alteri cuiquam quàm soli Deo  
conuenit procreare viuentia? Vnus  
itaque Deus mundum vnum esse  
voluit, & Solem vnum, vnicam Lu-  
nam, vnam quoque diuinitatem:  
qui singula faciens in multis, vnus  
cœli ac terræ conditor erit & mode-  
rator. Hæc in Pymandro suo Mer-  
curius Trismegistus. Quæ pro coro-  
nide huius Opusculi, hîc attexere  
visum fuit, vt videant Epicurei & *Epicureo-  
rum sce-  
lerata im-  
pietas &  
temeri-  
tas.*  
videntes agnoscant quàm temerè,  
impiè & sceleratè de Deo, Dei pro-  
uidencia, mundo, cœlo ac stellis nu-  
gêtur, & prophano sacrilegoque ore  
mentiantur: cum absurdarum opi-



*Paradoxa rerum cœli,*

nionum, ociique & omnis impietatis eorum magistro Epicuro. Cui, pro merito trophæo, *τετραδιστον* hoc deuouemus,

*Ride, Epicure, Deum: gere nescia pectora fati:*

*Finge nihil cœli significare faces.*

*Crede mihi, ad nigrū quando raptaberis Orcum:*

*Hic tua quod plectat scommata Numen erit.*

Habes, EPIPONE PHILVRANE, Paradoxa aliquot de rebus cœli dubiis: & in quibus vix dum inter doctos bene conuenit. Scripsi autem de iis, vt tibi, sociisque tuis tyronibus satisfacerem, potiùs quàm vt super his Aristarchum, aut Palæmonem quempiam agerem. Quæ res me ab eruditiorum graui censura, & liuidorum mordaci dente tueri poterit. Cæterum, si quid perperam hîc nobis scriptum fuerit, tibi Philurane, qui me familiaribus demonstrationibus vti velle efflagitasti, ascribatur.



batur. Poteris deinceps rogare peritiorum quempiam rerum cœli interpretem, ut

-- si quid rectius istis

Nouerit, exponat: sin minus, ista ferat.

*Hoc lex, hoc pietas, hoc vult Deus, omnia nō dās*

*Omnibus: eximia pro bonitate sua.*

His hætenus tibi positis & propositis, ne quid in hoc planetarum collegio desideres, me ad ἱερωματικὴν Planetariam, paulò post, tibi, & sociis ex umbra in lucem proferendam, stylum conuerto. Tu interea presentibus vtere, ac fœliciter fruiere.

**FINIS.**



